

### Graan SA Oggend Markkommentaar

GRAAN SA GRAAN SA	DATUM 2017/09/21		DATUM 2017/09/20		+ - WEEK GELEDE 2017/09/11		+ - MAAND GELEDE 2017/08/21		+ - JAAR GELEDE 2016/09/19		
	Data	Δ	Δ%	Data	Δ%	Data	Δ%	Data	Δ%	Data	
DJIA-index	22413	41.79	↑	0.2%	22371	2.8%	↑	3.4%	21675	3.7%	↑
Goud (Spot)	1298.50	-13.72	↓	-1.0%	1312.22	2.9%	↓	1.0%	1286.27	-1.3%	↓
Brent \$/vat	56.02	0.71	↑	1.3%	55.31	3.7%	↑	5.5%	52.59	2.3%	↑
1 € / US\$	1.1882	-0.013	↓	-1.1%	1.2016	1.1%	↑	1.1%	1.1750	6.4%	↑
1 US\$ / ZAR	13.34	0.100	↑	0.8%	13.24	3.4%	↑	1.3%	13.17	4.7%	↓
Corn	R 1 838.09	24	↑	1.3%	R 1 813.88	* CBOT Corn Sep cents / bushel 08:00 today vs. CBOT Sep 12:00 the previous day					
Wheat	R 2 178.31	40	↑	1.9%	R 2 137.91	* CBOT Wheat Sep cents / bushel 08:00 today vs. CBOT Wheat Sep 12:00 the previous day					
Soybeans	R 4 705.93	40	↑	0.9%	R 4 665.84	* CBOT Soy Sep cents / bushel 08:00 today vs. CBOT Soy Sep 12:00 the previous day					
Latest CBOT prices during overnight trading (Recorded between 6 a.m. to 07:00 am vs 12:00 pm the previous trading day)											
Corn Sep 17	350.00	2.00	↑	0.6%	348.00	2%	↓	-1%	352.00	-5%	↓
Wheat Sep 17	449.00	5.00	↑	1.1%	444.00	9%	↑	8%	416.00	-3%	↓
Soybeans Sep 17	970.00	1.00	↑	0.1%	969.00	1%	↑	4%	937.00	0%	↓
Sorghum Dec '17	2750.00	0.00	↑	0.0%	2750.00	1.8%	↓	3.2%	3170.00	NA	
WMAZ Spot	1833.00	-8.00	↓	-0.4%	1841.00	1.2%	↑	1.0%	1815.00	-2.3%	↓
WMAZ Dec 17	1899.00	-18.00	↓	-0.9%	1917.00	0.5%	↑	3.6%	1833.00	-1.0%	↓
WMAZ Mar 18	1937.00	-18.00	↓	-0.9%	1955.00	0.4%	↑	1.1%	1916.00	-9.0%	↓
YMAZ Spot	1949.00	-12.00	↓	-0.6%	1961.00	0.7%	↑	0.2%	1945.00	-8.6%	↓
YMAZ Dec 17	2011.00	-19.00	↓	-0.9%	2030.00	0.2%	↑	2.4%	1963.00	-7.8%	↓
YMAZ Mar 18	2057.00	-18.00	↓	-0.9%	2075.00	0.3%	↑	0.8%	2041.00	-5.3%	↓
SOY Spot	4702.00	-17.00	↓	-0.4%	4719.00	1.1%	↑	3.8%	4528.00	-6.8%	↓
SOY Dec 17	4824.00	-20.00	↓	-0.4%	4844.00	1.0%	↑	3.9%	4554.00	-5.7%	↓
SUN Spot	4803.00	-10.00	↓	-0.2%	4813.00	1.9%	↑	2.6%	4682.00	-4.4%	↓
SUN Dec 17	4887.00	-21.00	↓	-0.4%	4908.00	0.8%	↑	3.9%	4703.00	-5.1%	↓
WHEAT Spot	4350.00	120.00	↑	2.8%	4230.00	4.3%	↓	6.8%	4666.00	6.5%	↑
WHEAT Dec 17	3974.00	-6.00	↓	-0.2%	3980.00	0.7%	↑	1.2%	4024.00	0.6%	↓

**NUUTSTE MARKINLIGTING TOT 23:00 (RSA TYD) SOOS VERKRY UIT VERSKEIE MARKVERSLAE**

**Markoorsig:** Die rand verhandel vanoggend weer swakker as die vlakke waarteen dit gister-middag met marksluiting verhandel het en verhandel vanoggend teen R13.32/\$. Die rand het gister deur die loop van die oggend versterk tot en met vlakke van 13.24/\$ na die verbruikersprysindeks gister-oggend bekend gemaak was vir Augustus. Die VPI het in Augustus toegeneem tot en met 4.6% vanaf die 4.6% in Julie 2017 met die voedsel en nie-alkoholiese verwerings sowel as die vervoer wat bygedra het tot die effense toename in die inflasiesyfer terwyl meeste van die ander groepe meestal onveranderd gebly het. Die verwagtinge in die mark was dat die inflasiesyfer effens kon toeneem in Augustus met die brandstofpryse wat ook toegeneem het gedurende Augustus. Die SARB maak vandag hul rentekoersbeslissings bekend en die verwagtinge in die mark is dat die rentekoers met ongeveer 25 basispunte kan daal. Die inflasiesyfer is steeds gemaklik tussen die SARB se teikenvlakke van 3 en 6%. In die internasionale konteks het die VSA se Federale Reservebank gister hul rentekoers veranderd gelaat, maar het egter genoem dat daar moontlik 'n verhoging kan wees aan die einde van die jaar. Die Brent ru-oliepryse het verder toegeneem en verhandel teen die hoogste vlak sedert Maart 2017. Die pryse het ondersteuning gevind met die verwagting in die toename in die vraag na olie sowel as die verwagting dat OPEL weer die olie uitset behoort te beperk om die mark te ondersteun. Die olie verhandel teen 'n vlak van %56.02/vat vanoggend.

**Mielies:** Die Amerikaanse mieliepryse het gister ondersteuning gevind en hoër verhandel met goeie koopkrag wat in die mark gesien was. Die mieliepryse het vir beide die Desember en Maart kontrak sterker verhandel. Die stroop van mielies in die VSA is aan die gang en die fokus in die internasionale markte is tans op die tempo van die stroopproses en was in die nuutste USDA verslag vir die week op 7% voltooi gerapporteer. Die ander fokuspunt tans in die Amerikaanse mark is die uitvoerverkope en die verwagtinge vir die week se uitvoerkopeverslag wat later vandag deur die USDA bekend gemaak word, is dat die verkope vir die week effens hoër behoort te wees as verlede week se uitvoerverkope. Verlede week se uitvoere was op 713 778 ton gerapporteer. Die etanol produksie vir die week het gedaal vanaf die vorige weke se hoër produksies wat gesien was in die mark, wat veroorsaak dat die verwagting vir die eindvoorradvlakke effens laer is. Die eindvoorradvlakke word egter steeds geskat om hoër te wees as in 2016. In die internasionale mieliehandel is die eindvoorradvlakke vir die seisoen ook redelik hoog, wat die internasionale pryse onder druk hou. **Plaaslik:** Die plaaslike mieliepryse het gister weer eens laer verhandel, wat die 3de agtereenvolgende sessie was vir die week waarin dit laer verhandel het. Die mark toon nie baie beweging nie en verhandel grootliks in lyn met die daaglikse pariteite. In gister se weeklikse SAGIS leweringsyfers was die WM lewerings vir die week op 30 761 ton gerapporteer en die YM lewerings vir die week op 50 892 ton gerapporteer. Die totale lewerings vir die seisoen tot dusver is 14.466 miljoen ton.

**Sojabone:** Die Amerikaanse sojaboonmark het gister ondersteuning gevind en sterker verhandel met nog groot uitvoerverkope wat vir die dag gerapporteer was deur privaat uitvoerders. Gister se groot uitvoerverkope wat gerapporteer is, was die agste daaglikse verkope wat in die afgelope 9 dae gerapporteer was en dit het goeie ondersteuning aan die mark gebied. Die daaglikse verkope wat gerapporteer was na China en onbekende bestemmings, met die verkope na die onbekende bestemmings wat een van die top tien grootste uitvoerverkope is sedert die USDA rekord hou daarvan in 1977. Van hierdie uitvoerverkope is 90% vir lewering in die 2017/18 seisoen en die oorblywende 10% vir lewering in die 2018/19 bemarkingsjaar. Die handelsverwagtinge vir die week se uitvoerverkope, is dat die weeklikse verkope effens hoër as verlede week se uitvoerverkope behoort te wees. Die weeklikse uitvoerverkopelyste word later vandag deur die USDA bekend gemaak. Ten spyte van die rekord verwerpte Amerikaanse produksie vir die seisoen, vind die pryse steeds goeie ondersteuning by groot uitvoerverkope wat aandui op 'n goeie toename in die vraag na sojabone internasionaal. Die weersomstandighede in die Suid Amerikaanse lande sal fyn dopgehou word in die volgende paar weke met die aanplantings wat daar aan die gang is. Die VSA en Suid Amerika produseer meer as 80% van die wêreld se sojabone en indien daar moeilikheid in terme van produksie in een van hierdie lande is, kan dit lei tot goeie prysondersteuning. **Plaaslik:** Die plaaslike sojaboonmark het gister onder druk gekom en het laer verhandel om laer af te sluit vir meeste van die kontrakmaande wat tans gelys is. Die nuutste maandelike SAGIS yfers word volgende week bekend gestel en dit sal belangrik inligting wees rakende die persaktiwiteit van sojabone en sal 'n goeie aanduiding gee van die verwagting vir die verwerkings vir die seisoen.

**Koring:** Die Amerikaanse koringmarkte het meestal ondersteuning gevind gister en het hoër verhandel, hoofsaaklik as gevolg van goeie koopseine op die tegniese grafieke, kort posisie verskansings en ook die verslae van ongunstige weerstoestande uit Australië wat die Australiese produksie vir die seisoen tot en met 10% verminder. In die VSA het die SRW, HRW asook die lengtekoring sterker verhandel, om hoër af te sluit. Die handelsverwagtinge vir vandag se weeklikse uitvoerverkope, is dat die uitvoere vir die week effens laer behoort te wees as verlede week se weeklikse uitvoere. Die weeklikse verslag word later vandag deur die USDA bekend gemaak. In die globale konteks is daar steeds groot hoeveelhede koring beskikbaar met die wêreldwye eindvoorraad wat vir die seisoen op net oor die 260 miljoen ton geskat word. Die groot wêreldwye eindvoorradvlakke met min veranderinge in enige ander fundamentele nuus hou die internasionale koringpryse teen relatief lae vlakke. **Plaaslik:** Die plaaslike mark het gister gemeng verhandel met goeie koopkrag wat gesien was op die September kontrak en dié het R120/ton hoër gesluit terwyl die Desember byna onveranderd tot effens laer gesluit het. Die huidige plaaslike koringvoorradvlakke is laag en die tempo van invoere is ook stadiger as die tempo wat benodig word om te verhoed dat die eindvoorraad aan die einde van die bemarkingsseisoen laer as ten minste 6 weke se voorraad daal. Groot invoere sal in die laaste twee weke van die bemarkingsseisoen gesien moet word om by hierdie voorradvlakke uit te kom. Daar is egter baie onsekerheid rakende die hoeveelheid koring wat ingevoer gaan word in die volgende twee maande om die gaping van die voorrade te dek voor die plaaslike stropery begin.

Plaaslike Markinsigte & Data: [www.grainsa.co.za](http://www.grainsa.co.za) / [www.sagis.co.za](http://www.sagis.co.za)  
Internasionale Markinsigte & Data: [www.usda.co.za](http://www.usda.co.za)

Opgestel deur Michelle Mokone and Luan van der Walt/ Vir navrae, kontak: [Michelle@grainsa.co.za](mailto:Michelle@grainsa.co.za)/[Luan@grainsa.co.za](mailto:Luan@grainsa.co.za)  
Dankie aan die Mielietrust vir die gedeeltelike befondsing van hierdie projek

